

Н.А.КИСЛЯКОВ ТАДҚИҚОТЛАРИДА ОИЛА ВА НИКОҲ МУНОСАБАТЛАРИ



Бахтишод Бахридин ўғли Умаров

Магистрант,

Этнография, этнология ва антропология йўналиши,

Бухоро тарихи кафедраси

Бухоро давлат университети

b.b.umarov2019@buxdu.uz



<https://doi.org/10.37547/jcass/volume02issue02-a18>

Аннотация: Ушбу мақолада машҳур этнограф олим Н.А.Кисляков тадқиқотларида XIX аср охири XX аср бошларида Ўрта Осиё ва Қозоғистон худудларида оила-никоҳ муносабатлари, улардаги ўзига хосликлар, катта оилалар яъни патриархал оилалар, уларнинг аста-секин емирилиб бориши ҳақида сўз боради.

Калит сўзлар: Н.А.Кисляков, катта патриархал оила, кичик оила, товар-пул муносабатлари, феодал-патриархал муносабатлар, кўчманчи ва яrim кўчманчи, Хингуо.

СЕМЬЯ И БРАЧНЫЕ ОТНОШЕНИЯ В ИССЛЕДОВАНИИ Н.А.КИСЛЯКОВА

Бахтишод Бахридин ўғли Умаров

Магистрант,

Направление этнографии, этнологии и антропологии,

Кафедра Бухарский истории

Бухарский Государственный Университет

b.b.umarov2019@buxdu.uz

Аннотация: В статье рассматриваются исследования известного этнографа Н.А. Кислякова в конце XIX - начале XX веков по семейно-брачным отношениям в Средней Азии и Казахстане, их особенностям, многодетности, т. Е. Патриархальным семьям, их постепенному распаду.

Ключевые слова: Н.А.Кисляков, многодетная патриархальная семья, малая семья, товарно-денежные отношения, феодально-патриархальные отношения, кочевой и полукочевой, Хингуо.

FAMILY AND MARRIAGE RELATIONS IN N.A.KISLYAKOV'S RESEARCH

Bakhtishod Bakhridin oglı Umarov

Master,

Department of Ethnography, Ethnology and Anthropology,

Bukhara history department,

Bukhara State University

b.b.umarov2019@buxdu.uz

Тарих / История / History

Abstract: This article deals with the research of the famous ethnographer NA Kislyakov in the late XIX and early XX centuries on family and marriage relations in Central Asia and Kazakhstan, their peculiarities, large families, ie patriarchal families, their gradual collapse.

Keywords: N.A. Kislyakov, large patriarchal family, small family, commodity-money relations, feudal-patriarchal relations, nomadic and semi-nomadic, Hingou.

Кириш

Оила соғлом экан, жамият мустаҳкам, мамлакат барқарордир. Оила ва оиласи муносабатлар кишилар ҳаёти ва турмуш кечиришининг таркибий қисми ҳисобланади. Оиланинг энг муҳим ижтимоӣ вазифалари –инсон зотини давом эттириш, болаларни тарбиялаш, оила аъзоларининг турмуш шароитини ва бўш вақтини самарали ўтказишдан иборатдир.

Маълумки, дунё халқларининг оила ва никоҳ тарихи ва унинг билан боғлиқ удум ва маросимлари этнология фанидаги энг устувор муаммолардан бири саналади. Бу масалада файласуф, ҳуқуқшунос, педагог, тарихчи олимлар самарали илмий изланишлар олиб боришган. Ўрта Осиёда этнографик йўналишда эса бу мавзуда Н.А.Кисляков, К.Шониёзов, Т.Тошбоева каби олимларнинг хизматлари беқиёсdir¹.

Ўзбекларнинг катта оиласини ўрганиш жараённада этнографларнинг олиб борган тадқиқотлари бугинги кунда муҳим аҳамият касб этади. Шунга мувофиқ Ўрта Осиё халқлари катта, яъни патриархал оиласи тарихи масалаларининг баъзи жиҳатларини ушбу мўжаз тадқиқотимизда ёритишга ҳаракат қилдик.

Этнографлар оилани икки типга – оддий ("кичик", "нуклеар", "индивидуал"

ва шу кабилар) –уйланмаган болаларни ёки болаларсиз никоҳдаги бир жуфт (ёки бир ота-она)дан иборат оиласа ҳамда мураккаб (кенгайган типдаги оила, "катта оила") –икки ёки уч оддий оиласдан таркиб топувчи оиласа ажратадилар.

Ўрта Осиё ўтроқ аҳолиси орасида катта патриархал оиласар қачон ташкил топган деган савол доимо этнограф олимларнинг диққат марказида бўлган.

Ўрта Осиё халқларининг оила тарихи муаммоси бўйича бир катор тадқиқотлар қилинган бўлиб, улар орасида Н.А.Кисляковнинг тадқиқотлари алоҳида ўринда туради.

Маълумки, Хоразм археологик-этнографик экспедицияси билан бир даврда 1957 йилда Н.А.Кисляков раҳбарлигига Ўрта Осиё этнографик экспедицияси ўз фаолиятини олиб боради. Ушбу экспедиция фаолияти маҳсули сифатида 1969 йил Н.А.Кисляковнинг фундаментал асари чоп этилади². Олим ушбу асарда "патриархал оила" ("катта оила") милоддан минг йиллар илгари шаклланган, унинг гуллаб яшнаган даври эрамизнинг дастлабки асрларига тўғри келади, сўнгра уни оиланинг янги шакли –кичик оила сиқиб чиқара бошлаган. Бундай ўрин алмашув шаҳарларда ва умумий ривожланган райёнларда эрамизнинг дастлабки минг йилликлари ўртадарида, кўчманчи

¹ Бўриев О., Усмонов М. Ўзбек оиласи. Т.: "O'zbekiston". 2012, -Б.5.

² Кисляков Н.А. Очерки по истории семьи и брака у народов Средней Азии и Казахстана, Л.: Наука. 1969.

Тарих / История / History

худудларда эса X-XII асрларда содир бўлган. Бироқ иқтисодий жиҳатдан қийин жойларда патриархал оиланинг парчаланиш жараёни XIX аср охирлари – XX аср бошларига қадар чўзилиб келган.

Асосий қисм

Йирик олим С.П.Толстов милоднинг бошларидаги Хоразмда катта патриархал оилалар жамоаси пайдо бўлганлигини қайд этган бўлса-да³, Н.А.Кисляков, эҳтимол, бундай оилалар олдинроқ ҳам пайдо бўлгандир, бироқ ушбу масала бўйича бизнинг кўлимиизда ҳеч қандай далил мавжуд эмас деган фикри илгари суради⁴.

Н.А.Кисляков биринчи минг йиллик ўрталарида Ўрта Осиёда катта патриархал оилалар кенгайган давр ҳисобланса, қўшни Эроннинг иқтисодий жиҳатдан илғор худудларida катта патриархал оилалар емирилиб, улар ўрнини кичик оилаларга бўшатиб берганлигини қайд этади. Бундан ташқари, иқтисодий қолоқ худудларда эса XX аср бошларига қадар катта патриархал оилалар сақланганлигини Тоҷикистоннинг айрим тоғли вилоятларida амалга оширилган тадқиқотлардан ва жанубий Хоразм воҳаси ўзбекларига оид йиғилган материаллардан аниқланганлигини ҳам мазкур асарида таъкидлайди⁵.

Хоразм воҳаси бўйича катта патриархал оилани ўрганган М.В.Сазанованинг маълумот беришича, катта оилалар асосан аҳолининг иккى хил ижтимоий гуруҳи таркибида сақланган: биринчиси, ўзига тўқ оилалар ва дин уламолари орасида бўлса,

иккинчиси эса касодга учраш ва ерсиз қолиш арафасида турган аҳоли орасида. Оила аъзоларининг биргаликда яшаб, меҳнат қилганлари уларни бўлинишларига имкон бермаган. Хоразм воҳасида катта патриархал оилалар “оила” ёки “катта оила” атамалари билан юритилган⁶. Бундай катта оилаларнинг асосий машғулоти деҳқончилик бўлган. Оила бошида катта ёшли эмас, балки оила ичидаги ўзини мавқега эга обрўли киши турган. Қишлоқ хўжалик ишлари асосан эркакларнинг зиммасида бўлиб, аёллар фақатгина ҳосилни йиғишириб олишга ёрдам берганлар, қолган пайтларда эса уй хўжалиги билан банд бўлишган. Барча мулклар оила аъзолариники бўлиб, алоҳида бир кишига тегишли шахсий пул ёки даромад манбаи бўлмаган.

Н.А.Кисляковнинг таъкидлашича, оила бошлиғи барча ишларни тақсимлаган ва назорат қилиб турган; унинг хотини эса аёллар меҳнатини тақсимлаб берган. Меҳнатни тақсимлашда катъий тартиб ўрнатилган. Оиланинг ҳар бир аъзоси маълум ёш даврида меҳнатнинг оғир ва енгиллигига қараб ўз ишларини бажарганлар. Оила аъзоларининг бирортасида ҳам алоҳида даромад манбаи бўлмаган, ҳатто қалин пули ҳам қизнинг ота-онасига тегишли бўлмай катта оиланинг даромадига кирган⁷.

Хива хонлиги ўзбеклари орасида сақланган катта патриархал оила қолдиқларини ўрганган Г.П.Снесарев, худди шундай қариндош оилаларининг

³ Толстов С.П. Древний Хорезм. М., 1948. С.132.

⁴ Кисляков Н.А. Семья и брак у таджиков. — Л., 1959., С.239-240.

⁵ Кисляков Н.А. Очерки по истории семьи и брака у народов Средней Азии и Казахстана, Л.: Наука. 1969. С.14-15

⁶ Сазонова М.В. К этнографии узбеков Южного Хорезма. ТХАЭ. т. I. М.1952. –С.167

⁷ Кисляков Н.А. Очерки по истории семьи и брака у народов Средней Азии и Казахстана - Л., 1969, С.19;

Тарих / История / History

бирлашувидан –элатлар шаклланганигини қайд этади⁸.

Академик К.Шониёзов ўзбек-қарлуқларининг турмушини ўрганар экан, XIX аср охирида улар учун энг характерли жиҳати оила асосий кўриниши –катта патриархал оила бўлганлигини айтади. Бундай оилалар 30 ва ундан ортиқ кишидан иборат бўлиб ота-она, унинг ўғиллари ва баъзида эса ака-ука ҳамда уларнинг оиласидан ташкил топган. Қашқадарё воҳасида истеъқомат қилувчи Косон қарлуқлари орасида ердан жамоа тарзида фойдаланишнинг “пайкал” шаклидан XIX аср охиригача катта оилалар ерларни тақсимлаб, биргаликда меҳнат қилганлари ва XX аср бошларидан эса ерларнинг кичик-кичик оила гуруҳлари томонидан бўлиб олиниши катта патриархал оилаларнинг тўлиқ емирилишига олиб келганлигини тадқиқотида алоҳида таъкидлайди⁹.

С.М.Абрамзон ҳам Ўрта Осиё ва Қозогистондаги бир қатор кўчманчи халқларда катта оиланинг мавжуд бўлганлигини қайд этади.

М.А.Бекжонова Фарғона водийсининг (Наманган вилояти) чекка жойларда тузилиши жиҳатдан катта патриархал олага яқин 60-70, баъзан 100 кишидан иборат айрим оилалар бўлганлигини айтиб ўтади. Бундай оилалар никоҳдаги жуфтларнинг уч авлодини ота ва она, уларнинг уйланган ўғиллари ва уйланган невараларини қамраб олган. М.А.Бекжонованиг таъкидлашича, Фарғона водийси ўзбекларида катта патриархал оиланинг парчаланиши ва унинг кичик бир никоҳли олага айланиш жараёнида

оиланинг ўтиш шакли юзага келган бўлиб, уни муаллиф бўлинмаган (ажралмаган) оила деб атайди¹⁰. Зеро, оиланинг бу кўриниши XIX асрнинг иккинчи ярми - XX аср бошларидағи ўзбеклар учун характерли хусусиятдир. Ажралмаган оила патриархал оиладан шуниси билан фарқланадики, уч ёки ундан ортиқ авлод вакилларидан эмас, балки икки авлоддан иборат бўлганда – бунда катта авлод бир жуфт –ота ва онадан иборат бўлиб, баржа уйланган ўғиллар улар билан бирга яшайдилар. Невараларни уйлантириш янги оиланинг ажралиб қичишига сабаб бўлган.

Т.Файзиевнинг аниқлашича, Тошкент воҳасидаги ўзбек қурилмаларида XIX аср охири –XX аср бошларида оила шаклларидан бири – икки ёки ундан ортиқ никоҳдаги жуфтлар (ота-она ва уларнинг уйланган бола-чақали ўғиллари) дан иборат ажралмаган оила бўлган. Бундай оилаларда 20 нафаргача киши яшаган. Қурамаларда, ўзбек халқининг бошқа гуруҳларида бўлганидек, уйланган ўғилларни катта оила бошлиғи бўлгандан кейин ҳам ажратиш учалик маъқулланмаган¹¹.

XIX аср охири –XX аср бошларида катта оила кўпинча ўзига тўқ ва бойлар қатламида учрайди. Р.Я.Рассудованинг кўрсатишича, Зарафшон ва Фарғона водийсида, Қашқадарёнинг юқори оқимида яшайдиган ўзбекларда “қозон” атамаси (бир қозон) олага нисбатан ҳам қўлланилган. Бу даврда катта оила Зарафшон водийси чорвадорларида, Самарқанд вилояти Пастдарғом тумани ўзбекларида, Жиззах вилоятининг

⁸ Снесарев Г.П. О некоторых причинах сохранения религиозно-бытовых пережитков у узбеков Хорезма. СЭ, 1957, №2, С.67.

⁹ Шаниязов К. Узбеки-карлуки. Ташкент.1964,- С.138.

¹⁰ Бикжанова М.А. Семья в колхозах Узбекистана. –Т.: 1959, -С.23-24.

¹¹ Бўриев О.,Усмонов М. Ўзбек оиласи. Т.: “O’zbekiston”.2012, -Б.31.

Тарих / История / History

Ғаллаорол тумани ўзбекларида, Зарафон ва Фарғона водийлари қипчоқларида мавжуд бўлган¹².

XIX аср 80-йилларида товар-пул муносабатларининг кириб келиши, ёлланма меҳнат доирасининг кенгайиши катта оиласининг яхлит иқтисодий асосига аста-секин путур етказа бошлаган. XX аср бошларига келиб, катта оила ўзбекларда ижтимоий муносабатлар тизимида жиддий рол ўйнамай қўйган. Уйланган ўғилларнинг ажralиб чиқиб кетиши, кичик оиласининг ўзи бюджетига эгалик қилиб, алоҳида овқатланишини катта оила парчаланишининг бошланиши дейиш мумкин. Ерга алоҳида хусусий мулкнинг пайдо бўлиши, умумий фойдаланиладиган ер-сувнинг бўлиб олиниши катта оиласининг парчаланишида сўнгги босқич бўлди. Табиийки, бу жараён дехқонлар ижтимоий табақалашувининг кучайишига, улар асосий қисмини хонавайрон бўлиб, қашшоқлашувига, ёлланма кучни кўпайтиришга олиб келди. Оила тараққиётининг диалектикасидан кўринадики, хусусий мулкнинг ривожланиши катта оиласининг парчаланишига туртки бўлди. Янги оиласининг таркиб топиши ва замонавий муносабатлар ривожланишининг ўрганилиши ҳозирги кунда ўзбек оиласининг асосий шакли эр, хотин ва уларнинг болалари, баъзан ер ёки хотин ота-онасининг ҳам қамраб оловчи кичик оила эканлигини кўрсатди. Социологик тадқиқотларнинг далолат беришича,

ўзбеклар оиласининг 51,6 фоизи тузилмасига кўра кичик оиладир¹³.

Ўрта Осиё ва Қозоғистон халқларида катта патриархал оила ва унинг этнографик хусусиятларининг илмий тадқиқи бугунги кунда этнология фанининг оила ва никоҳ масалаларига тегишли муаммоларни ечишда муҳим манба бўлиб хизмат қилади.

Н.А.Кисляков “Тожикларда оила ва никоҳ” асари асосан муаллифнинг

1930 йилдан бошлаб 20 йил давомида Тожикистанда тўплаган дала тадқиқот материалларига асосланган. Н.А.Кисляков никоҳ ва оила муаммоларни ўрганиши ХХ аср бошларида эллик ёки ундан ортиқ одамни ташкил этадиган катта патриархал, бўлинмаган оилаларни кичик тоғ қишлоғи ҳисобланмиш Вахиё-Боло қишлоғидан бошлади ва ушбу ишни “Ўрта Осиё ва Қозоғистон халқлари оила ва никоҳ тарихи ҳақида очерклар” монографияси билан якунлади¹⁴. Н.А.Кисляков томонидан тожиклар тарихи ва уларнинг оиласи ва никоҳи масаласини кўриб чиқиши унинг келажакдаги тадқиқотлари учун марказий мавзу ҳисобланади. XIX-XX асрлардаги рус тадқиқотчиларининг материаллари ва этнографик соҳасидаги шахсий тадқиқот материаллари асосида ўзининг “Тожикларда оила ва никоҳ муносабатлари” илмий асарини нашр этди¹⁵. Ушбу асарда Н.А.Кисляков нафақат тожик этносининг барча асосий гуруҳлари тўғрисидаги тегишли маълумотларни умумлаштириди, балки ўз позициясини кўллаб-куватлаш учун

¹² Рассудова Р. Я. Семейные группы: одна из форм организации труда в орошаемых районах Средней Азии (XIX - первая половина XX в.) // Страны и народы Востока. Выпуск XXV. География.

Этнография. История. М.: Наука, ГРВЛ, 1987. С. 68

¹³ Бўриев О., Усмонов М. Ўзбек оиласи. Т.: “O’zbekiston”.2012, -Б.35.

¹⁴ Н.А.Кисляков.Пережитки матриархата в брачных обрядах народов Средней Азии.//КСИЭ,1958,Вып.28. С21-27.// Очерки по истории семьи и брака у народов Средней Азии и Казахстана. Л,1969,240 с.

¹⁵ Бакиев Р.У. Вклад Н.А.Кислякова в изучение истории и этнографии Таджикистана ... дисс.кан. ист.наук. Душанбе. 2015. –С.73.

Тарих / История / History

Марказий Осиё ва Яқин Шарқнинг қўшни халқлари билан таққосланган маълумотларини ҳам келтириди.

Н.А. Кисляков 1957 йилда этнограф олимлар орасида биринчи бўлиб нафақат тожиклар, балки бошқа Марказий Осиё халқлари никоҳ маросимларида матриархат қолдиқлари тўғрисида мақола чоп етди. Н.А.Кисляковнинг илмий-тадқиқот ишларида оиласидан мавзуси тажикистонлик ҳудудидан аста-секин чиқиб кетмоқда. Ушбу йўналиш унинг Ўрта Осиё ва Қозоғистон халқлари ўртасидаги оила ва никоҳ тарихига бағишланган монографиясида янада қўпроқ акс эттирилган. Н.А.Кисляковнинг XIX аср охири –XX асрнинг бошларигача бўлган даврда Хингу ёки Вахиё дарёлари ҳавзасида (ҳозирги Тавилдара тумани, собиқ Гарм вилояти), Сангвон, Сафедорон, Язганд қишлоқларида, Панж дарёси Дарвоз (Қалъайи-Хумб тумани), Вянж ва Язгулам дарёлари ҳавзаларида ҳавзасида яшаган тожиклар ўртасидаги оила тарихи ва никоҳ муаммолари бўйича тадқиқот материаллари алоҳида аҳамиятга эга.

Н.А.Кисляковдан олдин ҳеч ким бу муаммони шу қадар батафсил ва илмий ёритмаган эди¹⁶. Шахсий кузатувлари ва дала тадқиқодларида йиғилган материалларидан ташқари Н.А.Кисляков Е.М.Пещерованинг қўл ёзма материалларидан, шунингдек, А.З.Розенфельд томонидан Гарм вилоятининг турли худудларидан тўпланган аёллар, аёллар меҳнати, оила ва никоҳга оид турли масалаларда тўпланган материаллардан фойдаланган. Н.А.Кисляков тожикистонлик олимларнинг оила ва никоҳ тўғриси нашр қилинган

материаллардан ҳам фойдаланган, улар түплаган материалларнинг иштирокисиз бу асар етарли даражада түлиқ бажарилиши мумкин эди¹⁷. Тўпланган материалларнинг янгилиги, асосан танланган тадқиқот мавзусининг ўзига хос хусусияти билан боғлиқ, чунки Н.А.Кисляковгача тожик оиласида янги оила ва оиласида муносабатларни ривожлантириш муаммолари аниқ кўрсатиб ўтилган илмий адабиёт яратилмаганди.

Н.А.Кисляков Тожикистон (Шарқий Бухоро)да оиласвий ва майший муносабатларни шакллантириш бўйича олиб борилаётган изланишлар жараёнида қуидаги муаммоларни ҳал қилишга уринди:

1. Унда мавжуд бўлган материалларни таҳлил қилиш асосида “кундалик ҳайт”, “оила” ва “оилавий муносабатлар” тушунчасини аниқлаш, унинг олдига қўйилган тадқиқот мақсадларига жавоб берадиганларни ажратиб кўрсатиш;

2. Тожикларнинг ижтимоий муносабатлар тизимидағи оиласвий ва майший муносабатларнинг ўрни ва ролини ёритиб бериш;

3. Объектив, умумий ва ўзига хос қонуниятлар ҳаракати натижасида тожикларда янги оиласириш муносабатларнинг шаклланиш жараёнини акс эттириш;

4. Шарқий Бухоронинг айрим минтақаларида яшаш жойи ва хусусиятлари жиҳатидан тожикларнинг оиласирий ва майший муносабатларини шакллантириш хусусиятларини аниқлаш;

5. Тожиклар ўртасида оиласый ва майший муносабатларнинг

¹⁶ Кисляков Н.А. Следы первобытного коммунизма у горных таджиков Вахией-Боло. М.-Л. 1936г. –С.160.

¹⁷ Кисляков Н.А. Пещерова М. Таджики Каратегина и Дарваза. Сталинабад. Таджгосиздат. 1954 г.

Тарих / История / History

янги шаклларини аниқлаш ва шакллантириш, сифат жиҳатидан янги оилавий-маиший муносабатларга ўтиш истиқболлари бўйича тадқиқотлар олиб бориш.

Тадқиқот натижасида у қўйидаги натижаларга эришди:

—тарихийлик принципининг асосий тоифалари, шунингдек, асарда аниқланган “оила”, “кундалик ҳаёт”, “оилавий муносабатлар” тоифалари ёрдамида оилавий ва ижтимоий муносабатлар, уларнинг жамиятнинг ижтимоий ҳаётидаги ўрни каби мураккаб ҳодисани услугбий таҳлил қилиш кўрсатилган;

—оилавий муносабатларни шакллантириш жараёнида тез-тез учрайдиган муаммоларни Тожикистон бўйича аниқ материаллар асосида умумлаштириш;

—оилани шакллантириш хусусиятлари Тожикистоннинг ўзига хос географик, этник, тарихий хусусиятлари шароитида кундалик муносабатларда капиталистик ривожланиш йўлини четлаб ўтганлар:

• қишлоқ саноатлаштириш республиканинг тоғли ва водий минтақалари аҳолиси ўртасида яаш шароитлари ва турмуш даражаларининг яқинлашиши;

• алоқа йўлларини қуриш, авиация, электрлаштириш, телефон, радио, телевидение ва бошқаларни яратиш натижасида республиканинг айrim минтақаларини ажратиб олиш ва ажратиб олишнинг тез суръатлар билан ривожланиши;

• янги социалистик оиласида маиший муносабатларнинг шаклланиши ва мустаҳкамланиш тезлигини тезлаштириш ва ушбу муносабатларнинг реакцион хусусиятларининг қолдиқларини енгиб ўтиш;

• республика аҳолиси этник гуруҳлари вакиллари (тожиклар, ўзбеклар, татарлар ва бошқалар) ўртасида аралаш никоҳлар, шунингдек, миллатлараро никоҳлар сонининг кўпайиши.

Н.А.Кисляковдан олдин Хингоу дарёси ҳавзасидаги тоғли тожикларга оид этнографик материаллар жуда кам, маълум бир мавзуларда эса маълумотлар умуман бўлмаган, бу олимга илмий изланишлар олиб бориша маълум бир қийинчилик туғдирган. Олим тоғли тожикларга оид этнографик материалларни бир вақтнинг ўзида Сталинобод, Бухоро, Чуст, Бойсун, Ўра-Тубе, Исфара ва Кўлоб шаҳарларида тўплаган¹⁸. Н.А.Кисляков ўз изланишларида нафақат Хингоу дарёси ҳавзасидаги, балки Ванж ва Помир минтақасидаги тоғли тожиклар ўртасидаги оила ва никоҳ масалаларига алоҳида эътибор берган. Бухоро амирлиги тутатилгунга қадар бўлган даврда тожик оиласини характерловчи, илмий тадқиқотининг асосий ва устувор йўналишлари қўйидагилардир: оилавий шакллар, экзогам нормаларнинг сақланиш даражаси, никоҳ шакллари ва тўй маросимлари.

Тоғли тожиклар орасида Н.А.Кисляков аҳолининг бешта қабила гуруҳига бўлинишида намоён бўлган

¹⁸ Кисляков Н.А. Таджики КНР, в кн: Народы Восточной Азии, М.1965,с.610-614// Сайробские таджики. СЭ,1965,№2,С11-21.//некоторые материалы по этнографии таджиков верховий Кашкадарья, Тр.АН

Тадж. ССР, Инст. Антр.арх.этногр.1960,т120,С77-90, // Кулайские таджики. Сообщ. Тадж.фил. АН СССР,1949,№11,С.34-36.

Тарих / История / History

оилавий ҳаёт изларини очиб берди¹⁹. Уларнинг ҳар бири ўз ҳудудига ва ўзига хос исмига, умумий аждоддан келиб чиқиши ҳақидаги ривоятларга, диалектологик хусусиятларга, қабила авлиёлариға ва бошқа баъзи хусусиятларга эга эди. Сангвор (Вахио-Боло) қишлоғини синчковлик билан ўрганиб чиқиб, олим XX асрнинг бошларига қадар аҳолининг туғилиши (оталик томони) бўйича сақланиб келганлигини ва уларнинг ҳар бири алоҳида қишлоқларни эгаллаганлигини аниқлади. Ота-боболарининг масжид, экин экиладиган ерларда “ҳашар” (қўшничилик ёрдами) ўзаро умумий ёрдам асосида ишлаганлар²⁰. Ванж водийсига саёҳат пайтида Н.А.Кисляков томонидан тўпланган материаллар ҳақиқатан ҳам бу ерда катта патриархал оиланинг мавжудлигини тасдиқлади.

Табиийки тожиклар орасида катта оилалар кичик оилаларга қараганда катта ер майдонлари, кўп миқдордаги чорва моллари ва бошқа мол-мулк эгалари бўлган. Катта оилани сақлаб қолишнинг асосий сабаби ушбу оилалар хўжалигининг даромади билан боғлиқ. Россия босқинигача асосан сақлаб қолинган кўп сонли катта оилалар амалдорлар ва беклар оилалари эди.

Шундай қилиб, патриархал оиланинг ўрнини моногам оила эгаллади, улар ҳали ҳам патриархал муносабатларни у ёки бу даражада тоғларда, озроқ даражада текисликларда сақлаб қолишиди. Моногам оила эрнинг хукмонлигига асосланган бўлиб, у “никоҳ ришталарининг мустаҳкамлиги билан анча фарқ қиласди”²¹, у фақат эр

томонидан бекор қилиниши мумкин. Бироқ, исломнинг шаръий меъёрлари текислик ҳудудларда, ўтроқ аҳоли орасида кўпроқ таъсир кўрсатган, тоғларда еса оилавий муносабатларда кучли одатий қонунлар мавжуд бўлган.

Хулоса

Шуни таъкидлаш керакки, бадавлат оилаларда, савдогарлар оилаларида, шунингдек, зодагонлар оилаларида, аёл одатда, умуман меҳнатда қатнашмаган. Худди шу оилаларда кўпхотинлилик ҳам содир бўлган. Аксинча, шаҳарда ўртacha даромадли оилаларда, шунингдек, камбағал оилаларда, бундан ташқари, кичик ҳунармандларнинг оилаларида аёллар мавқеи нисбатан эркин эди ва кўпинча бу ерда ишлаб чиқариш фаолиятида аёллар ҳам иштирок этган эди.

Бугунги кунда мамлакатимизда ҳаёт абадийлиги, авлодлар давомийлигини таъминловчи маънавият қўрғони бўлган оила мавзусига алоҳида эътибор қаратилмоқда. Оила - мафкуравий тарбиянинг энг муҳим ижтимоий омилларидан биридир. Чунки, оила жамият негизи бўлиб, кўп асрлик мустаҳкам маънавий таянчларга эга. Миллий мафкурамизга хос бўлган илк тушунчалар, аввало, оила муҳитида сингади. Бу жараён боболар ўгити, ота ибрати, она меҳри орқали амалга ошади.²²

Фойдаланилган адабиётлар:

¹⁹ Кисляков Н.А. Следы первобытного коммунизма у горных таджиков Вахио-Боло. М-Л, 1936, 160с. Тр. Ин-т антр.этногр. и арх. АН СССР, Т.10. сер. №2.

²⁰ Шовалиева М. Вклад Н.А.Кислякова в изучении семьи, брака и семейных отношений у таджиков. Наследие предков, 2010 г., №13, С. 186-187.

²¹ Кисляков Н.А. Семья и брак у таджиков, Ленинград, 1957, С.- 151.

²² Миллий истиқлол ғояси: асосий тушунча ва тамойиллар. – Т.: 2000. – Б.66.

Тарих / История / History

1. Бўриев О.,Усмонов М. Ўзбек оиласи. Т.: “O`zbekiston”.2012.
2. Кисляков Н.А. Очерки по истории семьи и брака у народов Средней Азии и Казахстана, Л.: Наука. 1969.
3. Толстов С.П. Древний Хорезм. М., 1948.
4. Кисляков Н.А. Семья и брак у таджиков. — Л., 1959.
5. Кисляков Н.А. Очерки по истории семьи и брака у народов Средней Азии и Казахстана, Л.: Наука. 1969.
6. Сазонова М.В. К этнографии узбеков Южного Хорезма. ТХАЭЭ. т. I. М.1952.
7. Снесарев Г.П. О некоторых причинах сохранения религиозно-бытовых пережитков у узбеков Хорезма. СЭ, 1957, №2.
8. Шаниязов К. Узбеки-карлуки.Ташкент.1964.
9. Бикжанова М.А. Семья в колхозах Узбекистана. -Т.: 1959.
10. Рассудова Р. Я. Семейные группы: одна из форм организации труда в орошаемых районах Средней Азии (XIX - первая половина XX в.) // Страны и народы Востока. Выпуск XXV. География. Этнография. История. М.: Наука, ГРВЛ, 1987.
11. Н.А.Кисляков.Пережитки матриархата в брачных обрядах народов Средней Азии.//КСИЭ,1958,Вып.28.
12. Бакиев Р.У. Вклад Н.А.Кислякова в изучение истории и этнографии Таджикистана ... дисс.кан. ист.наук. Душанбе. 2015.
13. Кисляков Н.А. Следы первобытного коммунизма у горных таджиков Вахией-Боло.М-Л,1936г.
14. Кисляков Н.А. Пещерова М. Таджики Карагина и Дарваза. Сталинабад,Таджгосиздат,1954 г.
15. Кисляков Н.А. Таджики КНР, в кн: Народы Восточной Азии, М.1965,
16. Кисляков Н.А. Следы первобытного коммунизма у горных таджиков Вахией-Боло.М-Л,1936.
17. Шовалиева М. Вклад Н.А.Кислякова в изучении семьи, брака и семейных отношений.